

نه لکی در سعادت ایچون مجیدیه
بکری غروش حسابیه التمش
غروشدر

طهره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیدیه اخذ
ایملور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

محاکمات مقدماتی

در سعادت بنایت محکمه مندره :

روسجغه فرار ایلدیکی ادعاسیله متهم اولان
و مقدما قاضی قریه سنده عثمان اغا محله سنده
رضاپاشا چشمه سی جاده سنده نومروسر خانه ده
اقامتله آشجیلق ایدن اورته بویلی ، قره کوز
وقاشلی ، اسمرجه بکزیلی ، طیقنازجه و قالین سسلی
طلومبه جی پوطوری اکتسا ایدن اذمیدلی
ماردیروس ولد مغردیج دردست ایدیله مامش
اولدیغندن تاریخندن اعتباراً جانب ریاستدن
کندوسنه مجدداً اون کون مهل اعطا قلمشدر
مهل معین ظرفنده مرقوم محکمه یه کلدیکی
حالده قانونه اطاعت ایتماش نظریله باقیله رق
حقوق مدینه دن اسقاط قلنه جنی و علیهنده
دعوا یه قیام اولنه جنی و اموالک حجز آلتنه
آلنه جنی و بوسره ده برکونه ادعایه حتی
اوله میه جنی و بالجمله ضابطه عدلیه مأمورلرینک
کندوسنی طومتغه مجبور بولند قلمی کبی
معاملات حجزیه حقنه دخی مدعی عمومیلکه
تبلیغات مقتضیه اجرا ایلدیکی جهتله اصول
محاکمات جزائیله قانوننک اوچیوز یتش برنجی
واوچیوز یتش ایکنجی ماده لرندن استنباط
اولنان احکامه توفیقاً اشبو قرارنامه بالتنظیم
اعلان اولنور .

ارباب فساددن اولدینی ادعاسیله متهم
و حال فرارده اولوب اشکالی مضبوط بولمیان

آرتین ولد کیغورق دردست ایدیله مامش
اولدیغندن تاریخندن اعتباراً جانب ریاستدن
کندوسنه مجدداً اون کون مهل اعطا قلمشدر
مهل معین ظرفنده مرقوم محکمه یه کلدیکی
حالده قانونه اطاعت ایتماش نظریله باقیله رق
حقوق مدینه دن اسقاط قلنه جنی و علیهنده
دعوا یه قیام اولنه جنی و اموالک حجز آلتنه
آلنه جنی و بوسره ده برکونه ادعایه حتی اوله میه
جنی و بالجمله ضابطه عدلیه مأمورلرینک کندوسنی
طومتغه مجبور بولند قلمی کبی معاملات حجزیه
حقنه دخی مدعی عمومیلکه تبلیغات مقتضیه
اجرا ایلدیکی جهتله اصول محاکمات جزائیله
قانوننک اوچیوز یتش برنجی و اوچیوز یتش
ایکنجی ماده لرندن استنباط اولنان احکامه
توفیقاً اشبو قرارنامه بالتنظیم اعلان اولنور .

مصره فرار و ارباب فساد التحاق ایلدیکی
ادعاسیله متهم اولوب اشکالی مضبوط اولمیان
اغوب طوله تیان دردست اولنه مامش اولدیغندن
تاریخندن اعتباراً جانب ریاستدن کندوسنه مجدداً
اون کون مهل اعطا قلمشدر مهل معین ظرفنده
مرقوم محکمه یه کلدیکی حالده قانونه اطاعت
ایتماش نظریله باقیله رق حقوق مدینه دن اسقاط
قلنه جنی و علیهنده دعوا یه قیام اولنه جنی و اموال
لنک حجز آلتنه آلنه جنی و بوسره ده برکونه
ادعایه حتی اوله میه جنی و بالجمله ضابطه عدلیه
مأمورلرینک کندوسنی طومتغه مجبور بولند .

قلمی کبی معاملات حجزیه حقنه دخی مدعی
عمومیلکه تبلیغات مقتضیه اجرا ایلدیکی جهتله
اصول محاکمات جزائیله قانوننک اوچیوز یتش
برنجی و اوچیوز یتش ایکنجی ماده لرندن
استنباط اولنان احکامه توفیقاً اشبو قرار نامه
بالتنظیم اعلان اولنور .

محکمه تمیز استدعا دائره سندن تنظیم واعطا
اولنان اعلامدر :

بولی سنجانی بدایت محکمه سی جزا دائره سندن
استینافاً لاحق اولوب ۲۱ کانون اول سنه ۳۲۰
تاریخنده تفهیم قلنان قراری ناطق اعلامک تمیزاً
تدقیقی مستدعی لواء مزبور رژی مأموری طرفندن
معطی ۱۶ کانون اول سنه ۳۲۰ تاریخلی استدعانا مه
ومتفرعاتی باش مدعی عمومیلک مأموریت بهیه سنک
۲۸ تشرین ثانی ۳۲۱ تاریخلی تبلیغنامه سی ایله محکمه
تمیز استدعا دائره سنه تودیع اولمش ولدی التدقیق
اعلام میز بهک رژی اداره سنه تبلیغ اولنماش اولمسنه
واعلام مذکورک اصل بولمسنه نظراً مدت قانونیه
جریان اتمیه جکی جهتله سالف الیان استدعانا مه نک
مدت و شروط قانونیه سنه موافق اولدینی اکلاشلمش
اولمغه بالقبول تدقیقات تمیزیه اجراسنه ابتدار
اولندی .

اعلام مذکورک خلاصه مالی شیخ اوغلی علی
افندینک ۳۱۸ سنه سنده زرع ایله حصوله کتوردیکی
مبرز تحریر دفتری مندرجاتیه ثابت اولان یوز یتش
برکیلو توتونی قچاغه صرف ایتدیکی مدت معینه سی
منقضی اولدینی حالده انباره تسلیم و یوم
محاکمه ده دعوت واقعه یه اجابت ایتمامی دلالتیه
تحقق ایلدیکسندن مذکور المقدار توتونلرک جزای
نقدیسی اولان التییک سکزیوز قرق غروشک
مرقومدن تحصیلنه دائر لاحق اولان اعلام ابتدائینک

عند الاستیناف قضائی تحقیقاته مبنی فسخیه جریان ایدن محاکمه و تدقیقات استینافیه نتیجه سنده محکوم مرقومك استدعا ویرلیدی و تحریر اجرا اولندی زمان استانبولده بولندی ابراز اولسان مرور تذکره لرله اکلشامش اولدیغندن برائته حکمدن عبارتدر .

لايحه اعتراضیه دمت قید ایدیلان توتولرك معامله تحریریه سی نظمی دائره سنده تشکک ایش قومیسون معرفیه اجرا ایدلش و تحریر معاملاتنه قریه مختار هیئت اختیاریه سنك معلوماتی منضم بولنش اولدی حالدہ مظنون مرقومك انکارینه قارشو قومیسون مذکور هیئتک استاعلندن ذهول ایدلسی مغایر قانون اولدیغندن وافادات سائردهن بمثلہ اعلام مذکورک قضی استدعا ایدلشد .

تبلیغنامه مفادی دخی مندرجات اعلامه نظرآ اعتراضات مسروده بجا کوریلهدیکی بیانیله تمیز استدعامه سنك ردی طلبندن عبارت بولنشد .

ایجابی لدی المذاکره محکمه استینافیه جه بدایه اجرا قتلان تحقیقات نقصان کوریلوب اعلام ایتدائینك فسخیه کشف اول و ثانی دفترلینك تدقیقه قرار ویرلیرک مذکور دفترلر جلب اولنش اولدی حالدہ محکمه مذکورجه اشبو دفترلرک تدقیقندن متحصل نتائج اعلامه درج ایدلماش و مستأنف علیه طرفندن مدعابه اولان توتولرك ایکی دفعه هیئت اختیاریه و مختارل معرفیه تخمین وزن ایدلیدی ادا اولنش اولسنه نظرآ مذکور هیئت اختیاریه ایلہ مختارلردن تحقیق کیفیت اولمش لازم کلور ایکن کرک بدایه و کرک استینافاً بوجهتک دخی نقصان براقلمش اولدیغنی تدقیقات واقعه نتیجه سنده اکلشامش و نواقص مذکور ایه قض حکمی مستلزم اسباب قانونیه دن بولنش اولدیغندن اصول محاکمات جزائیه قانونک اوچیوز اون دردنجی و اوچیوز اون طقوزنجی ماده لری احکامه توفیقاً اعلام مذکورک تقضنه و تمیز جزای تقدسی اوله رق تسلیم وزنه ایدلش اولان بش لیرادن اشبو اعلامک خرجی اولان ایکیوز غروشک بالتزلیل متباقیسنك مستدعی تمیزه اعاده سنه ۱۴ حزران سنه ۳۳۳ تاریخده متفقاً قراویرلیدی .

درساعات جنایت محکمه سندن تنظیم واعطا قتلان اعلامدر :

ابوالخیر افندی ضرب و جرح ایدرک عضونی تعطیل ایتدکلری ادعاسیله مظنون علیهما اولان و فری کونیده یکی محله ده برخانه ده اقامتله مؤذن و کیلی

اولدیغنی سولیان اوتوزر یاشنده آستانه لی هاشم بن مرتضی ایلہ محله مذکورہ متمکنلرندن ومنغالبه متولدرندن اولوب قهوه چیلک ایتدیکنی بیان ایدن قرق ایکی یاشنده ویسل بن ابراهیم نام دیکری قره علینک جنایتله اتهاملرینه دائر هیئت اتهامیه دن تنظیم قاتان مضبطه ایلہ استیناف مدعی عمومیلکنک ۱۴ حزران سنه ۳۳۳ تاریخ و ۲۱۴ نومرولی اتهامنامه سی اوراق متفرعه سیله معاً محکمه جنایته تودیع قلمغاله بالمطالعاه تفصیلاتی اولبالده طوتیلان ضبطنامه دن مستبان اوله جنی اوزره اصول محاکمات جزائیه قانونک باب ثانیسنك فصل رابعده محرر معاملات ابتدایه بعد الایفا ۳۳۳ سنه سی تموزینک اونجی کونی متهان مرقومان علی الاصول توقیفخانه دن کتوردیلیرک ومدافه و کیلی کمال افندی واستیناف مدعی عمومی معاونلرندن عزتو بجهت یک ومدعی شخصی ابوالخیر و طرفندن برقطعه وکالتنامه یی حامل و مبرزدعوی وکیللرندن افکار افندیلر حاضر اولدکلری حالدہ محاکمه صالونه چیقلیرق اجرای محاکمه علیه یه مباشرت و متهملر ایلہ و کیله لازم کلان اخطارات قانونیه ایضا قلندقدن صکره هیئت اتهامیه مضبطه سیله اتهامنامه ضبط کاتبی صدق افندی طرفندن قرائت اولندی .

مذکور مضبطه ده مظنون علیهما هاشم و ویسل نام دیکر قره علینک ابوالخیر افندیک تعطیل عضویه سببیت و رمش اولملرندن طولانی اتهاملرینه اوراق تحقیقه ده محرر اخبارات ومعاینه راپوری مندرجات کافی کوراش و حرکتلری قانون جزانک یوز یتش یدنجی ماده سی حکمی مستلزم افعال جنسایه دن بولنش اولدیغندن بمثلہ جنایته اتهاملرینه قرار ویرلیدی محرر و اتهامنامه دخی مرقومانک تعطیل عضو جنایتک فاعلی بولغله اتهام ایدلکلری مسطر در .

اتهامنامه نك خلاصه سی جانب ریاستدن متهان مرقومانه تفهیم وتوضیح ومعاون مومی ایلہ جانبدن دخی دعوانک تشریح ایدلسنی معقب مجابو ده متهملردن هاشم مدعی شخصی ابوالخیر افندیک جرح و ضربندن و قولاق و برونک کسلدیکندن دخل و خبری بولدیغنی و عندالسؤال مومی ایلہ ایلہ برکونه منازعه سی اولدیغنی و برکونه خصومت و کین طومدیغنی و وقعه کونی مومی ایلہ مصادف اولدیغنی و دیکر متهم ویسی نام دیکر قره علی یی قهوه جی اولوق مناسبتله طانور ایسه ده مرقومه بولشمدیغنی و حقنده کی ادعای قبول ایدیه جکنی بیان و دیکر متهم ویسی نام دیکر قره علی دخی مدعی شخصی ایلہ منازعه لری مسبوک اولدیغنی و مومی ایلہک برون و قولاقنی کیمک کسدیکنی دخی بیلمدیکنی اتیان ایدیلر .

مدعی شخصی ابوالخیر افندی متهملردن هاشمک مؤذن و کیلی اولور اولماز خانه سنك قارشوسنده واقع احمدک قهوه خانه سنده دائماً کندوسی ترصد و تعقیب ایتکده اولدیغنی کبی وقعه کونی دخی علی الصباح خانه سندن چیقدیغنده مرقومک ینه برمعتاد مذکور قهوه خانه بخیره سندن کندوسی ترصد ایتکده اولدیغنی ونظر غیظ و خصومتله باقره رق یرندن قالدیغنی کورمسیله ینه تعقیب ایدجکنی بالتفرس سوقاق یاشنده مرقومک کچوب کیتسه منتظرأ طوردیغنی سرده دیکر متهم ویسی نام دیکر قره علینک ناکهانی ظهور ایدرک والده سنك خسته لکندن بمثلہ کلوب او قومسی رجا ایتدکده حال و طورندن بالاشتباه موافقت ایتامش ایکن مرقومک رجا و اصرارینه تاب آور اوله مامسنه و هاشمک تعقیبنندن قورتلش اوله جنی ملاحظه ایدلسنه مبنی موافقتله برلکده کیتدکلری خلاصه بش آتی خطوه ایلورده مرقوم قره علینک قولی کندوسنک قولتوخی آتته صوددیغنی معقب ناکهانی بر صورتده هاشمک بالظهور صاغ قولنه بر تیمور ایلہ اوردیغنی کبی ویسی نام دیکر قره علینک دخی باشنه و قولاقلرینه اورمغه باشلامسیله و هاشمک امری اوزرینه قولاقلرینی و برونی اوافق بر بحاقله کسمسیله واقع اولان فریادی اوزرینه هاشمک صول طرفه و ویسی نام دیکر قره علینک دخی قهوه خانه سنه فراره شتابلرند فریادینه کلان قصاب مصطفی ایلہ حیدر افندی به کیفیتی حکایه ایدلیدیکی یاد و کیلی افکار افندی متهملردن ویسی نام دیکر قره علینک واسطه و تشویشی ایلہ اوچیوز کیرمی تاریخنده موکلنی وظیفه سندن چقارمقی اوزره محکمه تقیضده اقامه اولنان دعوانک اقترابه مستند اولدیغنی اکلشایه رق منع محاکمه ایدلیدی و متهملردن هاشمک استنطاقاً اعترافی وجهله موکلنی تحقیر ایتسندن ناشی عندالحاکمه جزای تقدی یه محکوم بولندیغنی ملاسایله پیدا ایدلکلری حقد و کینه بناء مرقومانک اشبو فعله جرأت ایلش اولدقلرندن بشقه مقصدلری موکلنی اورته دن قالدیرمقی اولدیغنی حالدہ قصاب مصطفی و سائر کسانک ورود و حیولتنه بناء موفق اوله مدقلری و حتی وقعه دن مقدم کورلیوب حین وقعه ده استحضار ایدلش و محل حادثه ده بولنش اولان کوفه نك موکلنک بعدالافسا جسیدی درونه اخفا ایلہ برطرفه القا ایتک مقصدینه معطوف بولندیغنی و بنا برین موکلنک بوباده کی حق شخصیسنک محافظه سی ایراد ایدیلر .

متهملردن هاشم کندوسنک برمنازعه دن طولانی محکوم اولدیغنی اقرار و ویسی نام دیکر قره علی دخی

کندوسی اوله بر دعوا به قالدشمدیغنی و کسنه یی توکیل ایتدیکنی تذکار ایدیلر .
(مابعدی کله چک نسخه یه)

حاکم طاهری جرح ایتدیکنی ثابت اوله مدیغندن برائته

حفظه خاتمک سلیحه و مکرمه خاتمی ضرب و سلیحه خاتمک البسه سی چاک ایدلیدی و مرقومه نك دخی حفظه خاتمک چارشینی یرتدیغنی ثابت اوله مدیغندن برائتیرنه

محمدک حقیقک جاملرینی قیردیغنی و محله آره سنده سلاح آتدیغنی ثابت اوله مدیغندن برائته

یماندینک خرسویه اطاله لسان ایتدیکنی ثابت اوله مدیغندن برائته

حسنی افندیک فلیی ضرب ایتدیکنی ثابت اوله مدیغندن برائته

حسن ناملرند ایکی شخصک مضارب ایتدکلری ثابت اوله مدیغندن برائتیرنه

ایلیسا و جیوانینک یکدیگرینی ضرب و جرح ایتدکلری ثابت اولدیغندن اوز کون حبسلرینه

عالی بن محمودک محمدی جرح ایدلیدی ثابت اولدیغندن برهفته حبسنه

ضیانک عبداللهی جرح ایتدیکنی و عبد اللهک ده ضیای ضرب ایتدیکنی ثابت اولدیغندن ضیانک ایکی ماه حبسنه و مصارف جراحیه نك ده مرقومدن تحصیلنه و عبد اللهک اون کون حبسنه

آوانیانک خیریس قادیی ضرب و جرح ایتدیکنی ثابت اولدیغندن بر آلتون آتهرق مضروب و برلسنه ساخته جیرو معامله سی اجرا ایدلکلری ثابت اولان پاولی ودانلیک بر سنه حبسلرینه

بکچی خالدک پولیس مأموری عثمان افندیک اچقه سی طولاندردیغنی ثابت اولدیغندن اوچ ماه حبسنه و بر آلتون جزای تقدی آلتسنه

یورکینک دسینیه یی ضرب ایتدیکنی ثابت اولدیغندن برهفته حبسنه

تراموای آرابه جایی یوسفک علی اغایی دقتسر لکله آرابه سنه چاریدرهرق ایاغنی قطعه سببیت و یردیکی ثابت اولدیغندن ایکی ماه حبسنه و مصارف جراحیه اولان بیک سکر یوز غروشک بشقه جه تحصیلنه

پولیس صادق افندی ایلہ یورکینک یکدیگرینی ضرب ایتدیکنی ثابت اوله میوب بولردن صادق افندیک

یورکینک البسه سی برتمق صورتیله امواله ایراث خسار ایتدیکنی ثابت اولدیغندن اون بشلک جزای تقدی آلتسنه

زاق افندیک آرامه حرف اندازلوق ایتدیکنی ثابت اوله مدیغندن برائته و آرامک تشهرسلاحه جرأتی ثابت اوله میوب انجی زاق افندی یی ضرب و مرقومه اطاله لسان ایتدیکنی ثابت اولدیغندن اون کون حبسنه حسینک رفائی ضرب ایتدیکنی ثابت اولدیغندن برهفته حبسنه

عثمانک کلی وامینه یی ضرب و جرح ایتدیکنی ثابت اولدیغندن یکرمی کون حبسنه

حاجی حسنک جامع شرفندن لیلآ سجاده سرقت ایتدیکنی ثابت اولدیغندن الی ماه حبسنه

شا کرو و محمود دیکر محمدک پناو یی ضرب ایتدکلری ثابت اولدیغندن اوز کون حبسنه

پولیس میسون افندی یی ضرب و جرح ایدلیدی ثابت اولان صرافیمک اون کون حبسنه

آستونی ضرب و جرح ایتدیکنی ثابت اولان جورجینک برهفته حبسنه

یورکیادیسه اطاله لسان ایتدیکنی ثابت اولان دیمترین بر آلتون جزای تقدی آلتسنه

عبداللهی ضرب ایتدیکنی ثابت اولان محمدک اون کون حبسنه

فیخری افندی یی ضرب و حاجی عثمان اغایه اطاله لسان ایدن عمرک اون کون حبسنه

مسروب افندی یی اطاله لسان ایتدکلری ثابت اولان آرتین وزوجه سی ساتیکدن برر بچی آلتون جزای تقدی آلتسنه

شکر وزهرا خاتمه اطاله لسان ایتدیکنی ثابت اولان رجبدن یارم آلتون جزای تقدی آلتسنه

لئوسیدی یی ضرب ایدلیدی شهادتله تین ایدن حاجی فرهاد محله سنده ساکنه ماریقادن بر بچی آلتون آتهرق مضروب اعطاسنه

والده سی فردوس خاتمی ضرب ایدن خاصکوبده ساکن احسانک ایکی آی مدته حبسنه

جمال چوچنی ضرب ایدن اون ایکی یاشنده صالحک صغرسنی حبسیله ابویته تسلیمه

نعموک اچقه سی سرقت ایدن ترزی نیقونک اوچ ماه مدت حبسیله برابر ختام مدت جزای سنده کفالته ربطنه

سلمیانک اچقه سی سرقت ایدلیدی تین ایدن ترزی یونانی پترو نک اوچ آی حبسیله برابر ختام مدت جزا یه سنده کفالته ربطنه

آندون نام دیکر قسطنی ولد پترو نک سرسری اولدیغنی ثابت اولدیغندن بر آی حبسنه و برسنه ضبطنه

نظارتی آتنده بولندیرلسنه یک اوغلی بدایت محکمه سی جزا دائره سنجه قرار ویرلشد .

مجازات ایتدیکنی

مکری قضای نابی و بدایت محکمه سی رئیس عیاده و مستطقی اعضادن حمدی و مدعی عمومی معاونی و کیلی فرهاد افندیلرک مواد معینه خلاف اصول وقانون معاملاتنه متجاسر اولدکلری آیدین و جزایر بحر سفید ولایتلری عدلیه مفتش لکندن وارد اولان اوراق تحقیقه مندرجاتدن مستبان اولسنه مبنی مومی الیهک محاکمه آتته آلتلرینه عدلیه نظارت جلیله سنجه مأذونیت و یرلیرک آیدین ولایتی استیناف مدعی عمومیلکنه تبلیغات مقتضیه ایفا ورئیس مومی الیهک کیفیت محاکمه سندن طرف عالی مشیختیناهی یه ده معلومات اعطا قلمشدر .

اعلانات

درساعات استیناف مدعی عمر بیلکندنه :

باروت ادخال و فروخت ایدکلری ادعاسندن طولانی مظنون علیهمدن اولوب حال فرارده بولنان سیواس ولایت جلیله سی داخنده قوچحصار قضاسنه تابع اورنویت قریه سی اها لیسندن بیلی اوغلی نامیله یاد اولسان حال عیاده بن بکرک اصول محاکمات جزائیه قانوننک مواد مخصوصه سی احکامنه توفیقاً موقوف بولنان رفقاسیله برلکده جنایت محکمه سنده محاکمه سی اجرا قلمق اوزره قانون جزانک یوز التمش اتنجی ماده سنك علاوه سی موجنبجه جنایتله اتهامنه قرار ویرلیدیکندن متهم مرقومک هر ترده کوریلور ایسه طوتیلوب محکمه مذکورده توقیفخانه سنه تسلیمی لازم کله چکی بالجله ضابطه عدلیه مأمورلرینک معلومی اولوق اوزره اشبو اخذ و گرفت مذکرده درساعات هیئت اتهامیه سندن بالتنظیم اعطا قلندی .

ایکینی نجات محکمه سنده :

استانبولده نور عثمانیه جامع شرعی قارشوسنده ۲۹ و ۳۱ نومرولی دکانلر ده مقیم کابجی قاسم افندیک ۱۴ تموز سنه ۳۳۳ تاریخندن اعتباراً اعلان افلاسنه و مصالح افلاسنه نك رؤیت و تسویه سی ضمنده اعضای محکمه دن عزتو صبری بک زوز قومیسر و دعوی وکیللرندن قسطنکی فوقی افندیک موقت سندیک تعینلرینه و مغازه سیله اشیا زائد بیه سنك تمهیرینه و اوراق و دفاترینک جلبنه و کفالت مصدقه اراه ایده مدیکی

تقدیرده حبس و توقیفه و بوباده کی قرارک موقتاً اجراسنه
ایکنجی تجارت محکمه سنجه قرار ویرلمش اولدیغندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنق اوزره اشبو ۳۲۳ سنه سی
اغستوسنک یکریمی بشنجی جمع ایرتسی کونی ساعت
بش راده لرندہ اصحاب مطلوبک محکمه مذکورہ نک
مصالح افلاسیہ نک رؤیتہ مخصوص اوطه سنه کلیری
اعلان اولنور .

اعلانات شرعیہ اجرا دائرہ سنہ :

عدد

۱ بیانو

۱ آروپا کاری فانوسلی شمعدان

۱ آروپا کاری دولابی کیر آینه

تبعہ دولت علیه دن ارنبود قریه سنده ساکنه پوپول
جیلاجیان قادینک زوجی تبعہ مزبورہ دن بک اوغلندہ
حسین اغا محله سنده ساکن دیرطاد جیلاجیان افندی ذمتندہ
تفقہ دن متراکم آله جنی اولان مبالغ معلومہ نک تأمین
استیفاسی ضمنتندہ مدیون مومی الہک مالی اولوب
بوندن اول حجز آلتہ آلتش اولان وبالادہ جنس
ونوعی کوستریلان اوچ قلم اشیانک اشبو تاریخ
اعلانندن اعتباراً اوچ کون صکرہ یعنی اغستوس
رومینک یکرمنجی بازار ایرتسی کونی طوطخانہ ده
بات بازارندہ ساعت درتدن التی یہ قدر بالمزایدہ فروخت
اولنہ جنی درسعات اعلامات شرعیہ اجرا دائرہ سنندن
اعلان اولنور .

درسعات اعلامات نظامیہ اجرا دائرہ سنہ :

سعادتو محمد مہری پاشا حضرتلریلہ حلیلہ سی
خانمک عبدہ مکی بک اموالندن ووالدہ ووصیہ سی
خدیجہ خیریہ خانمک یدندن استقراض ایلدکلری
مبالغک تأمین استیفاسی ایچون مشار الیہ محمد مہری
پاشا حضرتلرینک عہدہ تصرفندہ اولوب حجز آلتہ
آلتان فری کویندہ روم کلیسای جوارندہ قوکیہ
زقاغندہ واقع اون درت ، اون التی ، اون سکز ،
طقسان طقوز ، یوزبر ، یوز اوچ نومرولی وروم
کلیسای اوک زقاغندہ یوز یکریمی بش و یوز یکریمی
ایکی و یوز یکریمی درت و طقوز واون بر و آرقہ
زقاغندہ کذا یوز یکریمی بش و یوز یکریمی التی و یوز
یکریمی یدی و یوز یکریمی سکز نومرولی عرصہ لر تمامنک
تاریخ اعلانندن اعتباراً اون بش کون صکرہ بالمزایدہ فرو-
خته تشبث اولنہ جعی درسعات اعلامات نظامیہ اجرا
دائرہ سنندن اعلان اولنور .

واسیل ولد آندونک محمد ناظم بک ذمتندہ
محکوم بہ آله جنسک تأمین ایچون حکماً محجوز
ووالدہ سنندن انتقالاً متصرف اولدینی ابراہیم پاشای
عتیق محله سنندہ فنجانجیلر یقوشندہ تخمیناً اون ایکیلیک
یکریمی درت آرشون عرصہ اوزرندہ ایکی طاش
اوطہ و اخشاب قہوہ خانہ و درونندہ برماصورہ
ماء لذیدی حاوی اون درت نومرولی عرصہ نک
مقاطعه لو محلنک التیوز قرق التی میلیون التیوزاللی
ایکیلیک یوز التمش سهم اعتباریلہ واون میلیون
اوچوز اوچیک بشیوز یکریمی درت سہمی ایلہ
وقف محلنک او توز بش حصہ اعتباریلہ بر حصہ سنک
تاریخ اعلانندن اعتباراً اون بش کون صکرہ بالمزایدہ
فروخته تشبث اولنہ جنی درسعات اعلامات نظامیہ
اجرا دائرہ سنندن اعلان اولنور .

واسیل ولد آندونک فاطمہ نیہ خانم ذمتندہ
محکوم بہ آله جنی اولان مبالغدن طولانی حکماً محجوز
ووالدہ سنندن انتقالاً متصرف اولدینی ابراہیم پاشای
عتیق محله سنندہ فنجانجیلر یقوشندہ تخمیناً اون ایکیلیک
یکریمی درت آرشون عرصہ و درونندہ ایکی طاش
اوطہ و اخشاب قہوہ خانہ و درونندہ برماصورہ
ماء لذیدی حاوی اون درت نومرولی عرصہ نک
مقاطعه لو محلنک التیوز قرق التی میلیون التیوزاللی
ایکیلیک یوز التمش سهم اعتباریلہ بش میلیون یوز
اللی بر بیک یدیوز التمش ایکی سہمی ایلہ وقف
محلنک او توز بش حصہ اعتباریلہ بر حصہ سنک تاریخ
اعلانندن اعتباراً اون بش کون صکرہ بالمزایدہ
فروخته تشبث اولنہ جنی درسعات اعلامات نظامیہ
اجرا دائرہ سنندن اعلان اولنور .

اسکدار بدایت محکمیہ اجرا دائرہ سنہ

اسکدار جہتی نظامیہ فرون مأموری عساکر
شاہانہ قول اغالرنندن فوتلو عثمان افندی نک ارکوبلی
حسین اغا ذمتندہ اسکدار بدایت محکمیہ سی حقوق
دائرہ سنندن لاحق اولان اعلام موجبجه آله جنی
اولان مبالغ معلومہ نک تأمین استیفاسی ضمنتندہ
محجوز اولوب مدیون مرقومک نام آخرہ اولان
اوچوز طقسان ایکی عدد عثمانی آلتونی دینی مقابلندہ
وکالت دوریہ شرعیہ ایلہ وفاء مفروغ بولان آیاصوفیہ
کیر محله سنندہ دیوان یولی جادہ سنندہ قرق طقوز
نومرو ایلہ مرقم معلوم الحدود تخمیناً سکسان ذراع
عرصہ اوزرینہ مبنی الیوم آشجی دکانی اولہرق
استعمال اولنقدہ و شهری اوچ عدد عثمانی لیراسی

ایجار کتور مکدہ بولنان کارکیر بر باب دکان درونندہ
مستقر نظامی و توسیع انتقالو بر عدد بر رکدکی ایلہ
ملکی تاریخ اعلانندن اعتباراً اون بش کون صکرہ
موقع مزایدہ یہ وضع اولنہ جغندن اشتراسنہ طالب
اولانلرک اسکدار بدایت محکمیہ سی اجرا دائرہ سنہ
مراجعت ایللری اعلان اولنور .

علی فواد بکک عقیقہ خانم ذمتندہ اسکدار
بدایت محکمیہ سی اعلامیلہ آله جنی اولان مبالغ
معلومہ نک تأمین استیفاسی ضمنتندہ مدیونہ مومی
الیہایہ ارثاً انتقالی لازم کلان و داین مومی الیہ فواد بک
نامنہ وفاء مفروغ اولوب فروختی محکوم بولنان غلطہ ده
کناکش قرہ مصطفی پاشا محله سنندہ لبلیجی
زقاغندہ کائن آلتندہ بر باب دکانی مشتمل توسیع
انتقالو یکریمی بر و مکرر یکریمی بر نومرولریلہ مرقم
معلوم الحدرد و تخمیناً طقسان ذراع عرصہ اوزرینہ
مبنی ایکی قاتدن عبارت ہر قاتندہ ایکیش اوطہ ایلہ
مشتملات سائرہ نی حاوی بر باب خانہ تاریخ اعلانندن
اعتباراً اون بش کون صکرہ موقع مزایدہ یہ وضع
اولنہ جغندن اشتراسنہ طالب اولانلرک اسکدار بدایت
محکمیہ سی اجرا دائرہ سنہ مراجعت ایللری اعلان
اولنور .

قوالہ تجارت محکمیہ سنہ :

قوالہ تجارت محکمیہ سنندن افلاسنہ قرار ویرلمش
اولان آغایتوس پیتولہ نک خصوصات افلاسیہ سنک
رؤیت و تسویہ سی ضمنتندہ دعوی وکیللرنندن پروانت ددہ یان
افندی اصالة سندیک تعین قلنمش اولدیغندن مفلس
مرقوم ذمتندہ آله جنی اولانلرک قانوننامہ تجارتک
۱۹۹ و ۲۰۰ نجی مادہ لری موجبجه تحقیق دیون
ایچون تاریخ اعلانندن اعتباراً یکریمی بر کون ظرفندہ
سنداتی محکمیہ کاتبہ تسلیم ایللری ومدت مذکورہ
ختمانندن صکرہ اوچ کوندہ یعنی ۳۲۳ سنہ سی توزینک
ایکنجی بازار ایرتسی اوچنجی صالی و دردننجی چهارشنبہ
کونلری قوالہ تجارت محکمیہ سنک مصالح افلاسیہ
رؤیتہ مخصوص اوطہ سنہ کلہرک سندیک افندیلر
مواجهہ سنندہ آله جقلرینی اثبات وقید و تصدیق
ایتدیرملری ومدت مذکورہ ده اثبات وجود ایدہ میان
آله جقلولر حقندہ قانون مذکورک ۲۱۰ نجی مادہ سنہ
توفیقاً ایفای معاملہ اولنہ جنی اعلان اولنور .